

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA TANO**

**KIKAO CHA ISHIRINI NA SABA**

**14 MEI, 2019**



# ORODHA YA SHUGHULI ZA LEO

---

## MKUTANO WA KUMI NA TANO

KIKAO CHA ISHIRINI NA SABA – TAREHE 14 MEI, 2019

I. DUA:

II. HATI ZA KUWASILISHA MEZANI:

**WAZIRI WA VIWANDA NA BIASHARA:**

Hotuba ya Makadirio ya Mapato na Matumizi ya Wizara ya Viwanda na Biashara kwa Mwaka wa Fedha 2019/2020.

**MWENYEKITI WA KAMATI YA VIWANDA, BIASHARA NA MAZINGIRA:**

Taarifa ya Kamati ya Viwanda, Biashara na Mazingira kuhusu utekelezaji wa majukumu ya Wizara ya Viwanda na Biashara kwa Mwaka wa Fedha 2018/2019 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2019/2020.

## **MSEMAJI MKUU WA KAMBI RASMI YA UPINZANI KUHUSU WIZARA YA VIWANDA NA BIASHARA:**

Taarifa ya Msemaji Mkuu wa Kambi Rasmi ya Upinzani kuhusu Wizara ya Viwanda na Biashara juu ya Makadirio ya Mapato na Matumizi ya Wizara hiyo kwa Mwaka wa Fedha 2019/2020.

### **III. MASWALI:**

#### **OFISI YA RAIS (TAMISEMI):**

#### **220. MHESHIMIWA LEAH JEREMIAH KOMANYA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Moja kati ya vigezo vya “*Capital Development Grant Assessment*” ni namna Halmashauri inavyoweza kutoa taarifa kwa Wananchi juu ya mtiririko wa fedha ambazo Serikali imepeleka katika Halmashauri na Miradi iliyokusudiwa kutekelezwa:-

- (a) Je, kwa nini mchakato huo ulisitishwa;
- (b) Je, Serikali haioni umuhimu wa kurejesha mchakato huo ambao utakuwa ukiongeza ufanisi katika utekelezaji wa majukumu mbalimbali ya Halmashauri nchini.

**221. MHESHIMIWA BONAH MOSES KALUWA (SEGEREA):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Barabara ya Segerea Sheli kupitia Seminari, Stakishari Polisi kwenda kutokea Majumba Sita ni suluhisho la Msongamano wa magari yanayopita barabara ya Segerea – Tabata kutokea barabara ya Mandela lakini kwa sasa barabara hiyo haipitiki kwa kuwa daraja la Seminari liliondoshwa na maji ya mvua mwaka 2013:-

Je, Serikali haioni kuna umuhimu wa kujenga daraja la Seminari ili kuondoa tatizo hilo na kurahisisha huduma kwa Wananchi.

**222. MHESHIMIWA ESTER ALEXANDER MAHAWE (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Mbulu haina Hospitali ya Wilaya hivyo Wananchi wa Kata za Gidhim, Yayeda, Ampatumat hutembea umbali mrefu kufuata huduma katika Kituo cha Afya Dongobeshi:-

(a) Je, ni lini Serikali itapandisha hadhi Kituo cha Afya Dongobesh ili kiweze

kuwahudumia Wananchi wa Mbulu Vijijini na kupunguza msongamano katika Hospitali ya Rufaa ya Hydrom;

- (b) Je, ni lini Serikali itaongeza Watumishi wa Afya, dawa na vifaa tiba katika Kituo hicho cha Afya.

**OFISI YA RAIS (UTUMISHI NA UTAWALA BORA):**

**223. MHESHIMIWA TUNZA ISSA MALAPO (VITI MAALUM):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):-

Je, Serikali inatumia Sheria ipi kutowapa Wafanyakazi stahiki zao zinazohusu kupandishwa madaraja na ongezeko la mwaka (*Annual Increment*) kwa wakati.

**WIZARA YA UJENZI, UCHUKUZI NA MAWASILIANO:**

**224. MHESHIMIWA STANSLAUS SHING'OMA MABULA (NYAMAGANA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali kupitia

Mamlaka ya TCRA wamefungia *local channels* kuonekana kwenye baadhi ya ving'amuzi hapa nchini mfano AZAM TV, DSTV na vinginevyo:-

- (a) Je, Serikali haioni kwa kufanya hivyo imewanyima Wananchi fursa ya kujua mambo yanayoendelea kwenye Taifa lao;
- (b) Je, ni lini Serikali itatoa muafaka wa jambo hili.

**WIZARA YA FEDHA NA MIPANGO:**

**225. MHESHIMIWA HALIMA ABDALLAH BULEMBO (VITI MAALUM):**

Atamuuliza Mheshimiwa Waziri wa Fedha na Mipango:- Mkoa wa Kagera una hekta 1,593,758 zinazofaa kwa Kilimo na ni Mkoa pekee unaopakana na nchi nyingi za EAC hivyo Kagera inaweza kuwa Kituo cha Biashara cha EAC:-

Je, Serikali ina mpango gani mahsusi wa kuifanya Kagera ifaidike na uchumi wa Kijiografia.

## **WIZARA YA MAJI:**

### **226. MHESHIMIWA DEO KASENYENDA SANGA (MAKAMBAKO):**

Atamuuliza Mheshimiwa Waziri wa Maji:- Serikali ilikopa fedha za mkopo nafuu kutoka Serikali ya India kwa ajili ya miradi 26 ya maji ikiwemo Mji wa Makambako:-

Je, ni lini mradi huo wa maji utanza na kukamilika.

### **227. MHESHIMIWA VEDASTO EDGAR NGOMBALE (KILWA KASKAZINI):**

Atamuuliza Mheshimiwa Waziri wa Maji:- Benki ya Dunia imefadhili miradi ya visima kumi (10) katika kila Wilaya nchini:-

Je, Serikali imefanya tathmini kujua asilimia ya miradi iliyofanikiwa na ambayo haikufanikiwa na kwa ile ambayo haikufanikiwa Serikali haioni haja ya kuingiza fedha ili kukamilisha miradi hiyo.

## **WIZARA YA KATIBA NA SHERIA:**

### **228. MHESHIMIWA DKT. IMMACULATE SWARE SEMESI (VITI MAALUM):**

Atamuuliza Mheshimiwa Waziri wa Katiba na Sheria:- Ibara ya 13 (1) ya Katiba ya Jamhuri ya Muungano wa Tanzania inasema kwamba “Watu wote ni sawa mbele ya Sheria na wanayo haki bila ya ubaguzi wowote, kulindwa na kupata haki sawa mbele ya Sheria”; lakini kumekuwa na kiwango cha juu cha matukio na kesi zinazohusu kuvunjwa kwa haki za Kiraia kwa kufanywa na vyombo vya dola:-

- (a) Je, kwa kipindi cha mwaka 2010 – 2015 ni kesi ngapi zimefunguliwa Mahakamani kuhusu madhira yanayofanywa na vyombo vya dola dhidi ya raia na huchukua muda gani hadi kutolewa hukumu;
- (b) Je, kesi hizo zimekuwa zikigharamiwa kwa kiasi gani kutoka mfuko wa fedha za umma tangu mwaka 2010 – 2015;
- (c) Je, Serikali inafanya jitihada gani kuhakikisha Wananchi wake pamoja na vyombo vya usalama wanapata elimu ya uraia.



**WIZARA YA HABARI, SANAA, UTAMADUNI NA MICHEZO:**

**229. MHESHIMIWA MAULID SAID MTULIA (KINONDONI):**

Atamuuliza Mheshimiwa Waziri wa Habari, Sanaa, Utamaduni na Michezo:- Vijana wetu wanafanya kazi za sanaa nzuri sana lakini kipato wanachokipata hakilingani na ubora wa kazi zao:-

- (a) Je, Serikali ina mkakati gani wa kuwasaidia Vijana hawa kupata stahiki ya kazi zao;
- (b) Je, Sera na Sheria zinasaidiaje Wasanii wetu kumiliki na kunufaika na kazi zao za sanaa.

**IV. HOJA ZA SERIKALI:**

**WAZIRI WA VIWANDA NA BIASHARA:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Viwanda na Biashara kwa Mwaka wa Fedha 2019/2020.

**DODOMA  
14 MEI, 2019**

**S. KAGAIGAI  
KATIBU WA BUNGE**